



Ruth Heilmann, Siumut
-/ Maani

Mellembølgi pillugu § 37 tunngavigalugu apeqquteqaammut akissuteqaat nr. 169

Asasara Ruth Heilmann

Mellembølgeradio pillugu apeqquteqaatinnut qujanaq. Apeqqutigisatit tulleriinneri malillugit akineqassapput.

20-08-2014
Sags nr. 2014-102640
Dok. nr. 1659731

Postboks 1160
Tlf: 34 50 00
Fax: 34 55 05
3900 Nuuk
Email: pan@nanoq.gl
www.naalakkersuisut.gl

- 1. Nunatta sineriaani radiomik naalaarniarneq pitsaaneruleqqullugu mellembølgip atuutileqqitsinneqarnissaa Inatsisartut qangali aalajangereerpaat. Maanna ukiut arlalinngorput mellembølgi matuneqarmalli sulilu atuutilersinneqaqqinnani. Qaquguuna mellembølge atuutileqqinniartoq?**

2012-imi upernaakkut ataatsimiinnermi aalajangerneqarpoq mellembølgi atorlugu aallakaatitsiviup atorunnaarsinneqartup taartissaata pilersinneqarnissaanut periarfissat Naalakkersuisut qulaajaavigalugillu allaaserissagaat. Periarfissat pillugit nassuiaat tamanna tunngavigalugu ukiakkut ataatsimiinnermi Inatsisartuni ilaasortanut agguanneqarpoq.

Aaqqiissutissaq suna pitsaanerpaanersoq isumaqatigiissutiginiarlugu suliaq qinersinerup kingornatigut aallartinneqarpoq. Suliaq taanna inaarlugu massakkut suliarineqarpoq, mellembølgikkullu aallakaatitsissutit ingerlateqqilernissaat TELE-POST-ip massakkut suliaraa.

TELE-POST-ip oqaatigaa mellembølgikkut aallakaatitsissutit piffissani ukunani aallartinneqarnissaat naatsorsuutigineqartoq:

- Qeqertarsuaq: 1. oktober – 1. december 2014
- Nuup eqqaani Kitsissut: januar – marts 2015
- Qaqortup eqqaani Simiutaq: 1. juni 2015

Tamatuma saniatigut Nuup Kangerluani Qingaami FM-ikkut aallakaatitsissut 1. juni 2014-imi aallartinneqarsimavoq.

- 2. Ulluni kingullerni Inatsisartuni ilaasortatut saaffiginnissutaasalerpoq ingerlatinneqaqqussaallunilu, tassa ajunaalernermi kalerrisaarinermi isumalluutigineqartartoq illoqarfimmi Aasianniittoq attaveqarfiginiaarlugu akisoqartannginnera tiguneqartannginneralu naammaginangilluinnarami, allaat ajunaalerfimmi**

ikiortiserineqarnermini akisinnaasarani attaveqarfigineqarsinnaanani. Sunamita peqquataava?

Imaatigut ajornartorsiornermi isumannaallisaanermilu kiffartuusivik taanna Naalagaaffiup akisussaaffigaa, Naalagaaffiulli TELE-POST Aasiaat radioanik ingerlatsisoq isumaqatigiissuteqarfigisimavaa. Taamaattumik atorfilittama TELE-POST saaffigisimavaat, taassumalu makku oqaatigai:

Aasiaat Radiomut isumannaallisaanermi attaveqaataasumut attaveqarfiginneriaatsit marluk atorneqarsinnaapput: Mellembølgi aamma VHF.

VHF imaani kiisalu sumiiffinni inuussutissarsiutigalugu umiartorfiusuni sunngiffimmiluunniit imaatigut annertuumik angallaffiusuni atugassatut aaqqissuussaavoq. Tusaaneqarfigisinnaasaata isorartussusia tassa 30 sømilit missaat. Ingerlatseriaaserli taanna nunap iluatigut aqcutini kangerlunnilu tamakkiisumik atorneqarsinnaasutut aaqqissuussaangilaq. Tamanna antennit "imminnut takusinnaasussaanerannik" pissuteqarneruvoq.

Taamaattumik sinerissami qaqqarpasuit kangerlupassuillu pissutigalugit nunap iluatigut aqcutit kangerluillu VHF-ikkut tamakkiisumik attaveqarfigineqarsinnaalernissaat pivusorsiortuunaviangilaq.

Imaatigut attaveqarfiginneriaatsip aappaa tassaavoq mellembølgi atorlugu attaveqarfiginneriaaseq, taannalu sinerissamit avammut 400 km tikillugu aamma kangerluit amerlanersaanni ilanngullugit tusaaneqarsinnaavoq. Attaveqarfiginneriaaseq taanna mellembølgikkut nassitsissutinut KNR-ip atortagaanut attuumassuteqanngilaq. Taamaalilluni Aasiaat Radioata mellembølgi atorlugu kiffartuussinera KNR-ip mellembølgi atorlugu aallakaatitsinera matuneqarmat ilanngullugu matuneqanngilaq.

Aasiaat Radioata mellembølgia aalisariutinit umiarsuarnillu annerusunit atorneqarneruvoq.

Aasiaat Radioata tamatuma saniatigut oqaatigaa VHF-imi aamma mellembølgemi aallakaatitsiviit ajunaalernermi atorneqartartut ukioq kaajallallugu ulloq unnuarlu naalaarneqartartut. Ajunaalernermi aallakaatitsivitsigut attaveqatigiinnerit tamarmik ulluni 30-ni digitalinngorlugit toqqortarineqartarput.

Aasiaat Radioata ajunaalernermi kalerrisaarisunik pimoorussivigineqarsimangitsunik ilisimasaqanngilaq. Taamatut pisoqartarsimappat Aasiaat Radioata aqutsisuinut saaffiginnittoqarnissaa kaammattuutigineqarpoq, taamatullu saaffiginnittoqarpat tamanna pimoorullugu tiguneqartussaavoq.

3. Nunatta Kitaata sineriaaniinnaanngitsoq kangerluppasuarnili piliniarlutik inuppassuit maanna aasisut radiomilluunniit tusarnaarsinnaanatik nutaarsiassanillu tusaasinnaanatik aallaarsimaarrapput, ilaquuttaminnulluunniit attaveqarsinnaanngillat attaveqarfigineqarsinnaanatililu, mobili signaleqanngitsoq aamma atorsinnaannginnamikku. Taamatut ajutoornissamulluunniit sillimasoqanngilluinnarnera inunnik naleqariaannaamat akuersaaruminaalluinnarpoq. Tamanna Naalakkersuisut qanoq iliuuseqarfiginiarpaat?

Pinngortitami angalaartilluni VHF-radiomik nassataqartoqartarnissaa Naalakkersuisut tamanut kaammattuutigaat. Sumiiffiit ilaanni attaveqarfiluttaraluartoq VHF mobiltelefoninut sanilliulluni pitsaaquteqarpoq,

tassami allat qanittumiittut VHF-radioqartut attaveqarfigineqarsinnaasarmata. Tamatuma ikiortissarsiornissamut periarfissat annertusisippai.

Apeqquteqammut 1-imut akissummi takuneqarsinnaasutut mellembølgi atorlugu nassitsissutit arlallit sinerissami ukiumi aggersumi aallartinneqartussaapput, taakkualu KNR-radiomik tusarnaalersitsisussaapput.

Neriuppunga apeqqutigisatit qulaani taaneqartutigut akineqartut.

Inussiarnersumik inuulluaqqusillunga

Steen Lynge